

同安縣志卷之二十七

藝文

文以載道此攷獻者必先徵文也而惜乎邑自  
蒼鵝銅馬蹂躪頻仍蕩析離居飄零鄴架安能  
於池灰黑處重尋書味之有三哉然殘鱗片羽  
猶未盡泯人閒今蒙

國家養士百數十年石室名山又漸多笥笈其有  
關於吏治民風者悉採而登之而流覽山川憑  
弔古蹟者亦附載焉以昭風雅之遺志藝文

同安縣志

卷之二十七

藝文上

著述

唐陳昌晦碑正書三卷

宋蘇紳文集奏疏

蘇頌文集七十二卷

略集一卷

渾天儀象銘一卷

本草圖經二十卷

邇英要覽

石賡文集

石亘漢唐名臣奏議五十卷

許權文集



同安縣志卷之二十七

藝文

道德本也文藝末也故文章必取乎經濟道德蔚為國華宋元明以來如蘇魏公邱鈞磯林次厓輩或以勲猷著或以理學稱而且紫陽筮仕之邦又多著作抑亦盛矣方今

聖天子嘉惠藝林邑之名流碩彥多有撰述茲之增光梨棗者不特民風吏治攸關即風雲月露之詞亦採而登之以見多文為富焉志藝文

同安縣志

卷之二十七 藝文上

又一

著述

唐陳昌晦裨正書三卷

宋蘇紳文集奏疏

蘇頌文集七十二卷

略集一卷

渾天儀象銘一卷

本草圖經二十卷

邇英要覽

石賡文集

石亘漢唐名臣奏議五十卷

許權文集

許升孟子說

禮記文解

易解

朱氏傳授支派圖

王力行朱子傳授支派圖

文公語錄一卷

黃萬頃等苑五卷

詩文集

薛舜俞易抄詩書指文集共三百餘卷

陳洽遺稿數十卷

吳燧彈劾數十卷

許衍田舍墨記四十卷

石起宗經史管窺

同安縣志

卷之二十七

藝文上

二

林同銅魚集

呂大奎論語集解

孟子集解

易經集解

學易管見

春秋或問

春秋五論一卷

春秋要旨十一卷

邱葵易解疑

書義

詩直講

春秋通義

禮記解

四書口講

經世書

聲音既濟圖

周禮補亡六卷

周禮定本三卷

鈞磯詩集一卷

明黃偉海錄存集

林希元更正大學經傳定本

四書存疑

次崖文集

易經存疑

楊朝幹詩經集覽

張應星四書大略

易經管窺燈影

劉汝楠白眉子存笥稿

洪朝選芳洲摘稿

歸田稿

向安縣志

卷之二十七

藝文上

三

繞州田稿

劉存德結發堂遺稿十卷

李春芳白鶴山存稿

許開滄南集

邵應魁射法詩稿

林叢槐明農集

洪邦光三則要言

池浴德空臆錄

懷綽集

李如王周禮會註十五卷

葉明元國語詳註

左國列傳

檀弓註

陳榮選四書旨

易旨

禮記集註

書經解

南華經註

道德經解

蔡守愚百一齋稿

明倫寶鑑

水經註抄

藝林標準

黃文炤道南一波

兩孝經

理學經緯

仁詮

同安縣志

卷之二十七

藝文上 四

太極圖解

南臺志

九日山志

蔣孟育文選崇正編

文選來奇編

臺閣文憲選粹

駱丞文抄評林

蔡獻臣清白堂稿十七卷

筆記二卷

同安縣志十卷

仕學潛學講義

四書講義

蔡復一遜庵文集十八卷

詩集十卷

駢語五卷

續駢語二卷

楚愆錄六卷

毛詩評一卷

林應翔止崑存稿

許獬四書合喙鳴十九卷

易解十卷

叢青軒集六卷

劉夢騶天馬更生集二卷

李滄溟集註釋

劉夢潮易義書前稿

孫子十三篇註釋

葉成章柱下奏疏二卷

宣雲奏疏十二卷

矜疑錄一卷

宣雲書鈔一卷

敬繇錄一卷

檄文二卷

同安縣志

卷之二十七

藝文上

五

陳如松蓮山集

學庸解

老來吟

林志遠歷代史白

洪受四書易經從正錄

滄海記遺十卷

范方歷代史評

秘書七種

池顯方晃巖集二十一卷

南參集

玉屏集

澹遠集

李杜詩選

張堃蕘對草

家乘引考

盧若騰方輿圖考十一卷

涪洲節烈傳二卷

紀文疇史勺

復書

紀許國廣史三卷

焦書二卷

名山集

拂塵集

葉后詔五經講義

鷓筆

梁岐超史評

國朝李其蔚秋懷集

磊園記槩

至見錄

劉望齡自訂篇

同安縣志

卷之二十七

藝文上

六

陳睿思可園詩文集

林霍滄湄詩集

滄湄文集

雙聲譜一卷

學韻一卷

周奇炤躬行堂詩文集

鄭得瀟五經通義

易研

文學指南

史統

人字圖說

蘧廡近吟選

黃濤性理質疑

在阿堂試藝

文川家禮

阮旻錫四書測

談道錄

讀易闕疑

續佛法金湯

粵滇紀略

聞見錄

唐人雅音集

唐七言律式

杜詩三律

夢庵長短句

清源會詩篇

同和東坡韻詩

幔亭遊稿

燕山紀遊

慧庵倡和

輪山詩稿

韻選

金剛經說

同安縣志

卷之二十七

藝文上

七

陳常真課兒家乘

江園詩文集

張贊宗史評

咏古集

澹若齋前後編

井桃集

蝸音集

餘狂集

蔡驥良日閑清稿

水餘集

周奠邦易說

歲鑑

史匯四卷

恕醉集二卷

葉壽晟四書解

易解

他其繩史眼

詩緯



四書講錄

三極藏書

求齋別集

張對墀同江集十二卷

陳可遠大易參訂

朱子綱目詳論

周禮訓解

禮記定本

宋四家詩評

湖香編

莊天能未齋集

粵遊草

陳臯周易標旨

葩經纂要

輪山有真稿

愧雅軒集

同安縣志

卷之二十七

藝文上

八

鶴崖後稿

劉蔚後村文稿四卷

外集二卷

四書臥薪集七卷

劉寶玉更炊草

愛霜篇

許琰寧我堂集

瑤洲文集

陳倫炯海國聞見錄

林君陞自遣偶筆

舟師繩墨

救荒備覽

張星徽歷代名吏錄四卷

天下要書十八卷

春秋四傳管窺三十一卷

先儒精義會通

九十八卷

評註戰國策十八卷

湖山詩文稿

黃而輝訥園詩選

林翼池鷺洲拾草

來鳳縣志

康亮經學明辨二卷

史記衷平四卷

論史句言四卷

郭道本尚書因悉六卷

左傳彙編四卷

黃成振四書存要五卷

學庸存要補篇二卷

日光巖詩一卷

九閩賦一卷

同安縣志

卷之二十七

藝文上

九

葉科遠古文自得二十四卷

經史詮釋二十一卷

王高立毛詩小傳十六卷

葉晴峯閩中詩話

宋詩論世

釋宗標語錄八卷

賦

大同賦

池顯方

昔長卿賦上林而盧橘夏熟事多不實太冲

賦三都而攷蹟岷邛乃敢搆思兩都兩京甘

泉長楊率皆天子之事易於揄揚故王龜齡

賦會稽假舜作重夫賦風俗也奚以假為余  
賦同安設為問奇客卿莊言公子鷺先生相  
答問之辭問奇者訪奇蹟也莊言者感觸而  
重言也鷺先生者水鄉之可羽儀者也雖文  
采固陋用攄所懷爾其辭曰

有問奇客卿過同安介莊言公子請見於鷺先生焉  
坐定鷺先生睇視而曰曰客之神流意遠其將質以  
寰宇之事乎客曰僕不敢遠請也僕溷於細帙雅趣  
喜遊慕司馬子長歷江淮過龍門其文益跌宕奇崛

同安縣志

卷之二十七

藝文上

十

茲從九仙山西南行至大輪見山水迤邐峰巒秀媚  
其所鍾靈必多怪瑰不知同之山川人物古今風俗  
君肯為一開陳之乎鷺先生曰唯唯余同人也安敢  
不識同事乎同之分野次在星紀隸於女牛貞元為  
場天成益稠延鈞升為縣治

聞王審知子升大

王軾

固其城猷

王軾宋紹興縣令

嬰堞若帶而峻岌濬隍若谷而

漩流署寓膠葛而陵漢

署官署寓屋也膠葛廣大貌

市廛雜杏而

成郵駭枳振之燾冪

枳振屋宇端也燾冪高峻深遠貌

嗶芬椽之離

樓芬椽也椽椽也離

樓衆木相倚貌西南詫為雄鎮海島恃為咽喉



此諸亭詳志中爾其川澤則灑灑濇濇淅淅涓涓水流貌沈溶

灑灑水流聲濇濇廣疾流貌淅淅激沫連珠飛泉流渟安溪

縣名為西派之所分羅山山名為東源之所發歷長興合

會溪俱地名宛潭膠盤宛轉流貌批滯衝堤滇澗淼漫會於

銅西右出竹山之坑折為湖上之灌竹山湖上俱溪名

灑灑瀆薄轉抱縣采芴川小同芴川小同溪名遠逝歸匯沙

溪林埭砢砢砢波急流也赴海其陂則有齒梅礫磧赤竹

經冬龜輦崇勝龍潭五峯俱名南東疆理儲水潤農

其塘則有普慈聖果崑崙浮鳥小鯤三會鹿苑李湖

同安縣志 卷之二十七 藝文上 十一

俱塘名淨焉如練波焉如瀘開竇決渠溝澮盤盪沃壤

新畚旱潦無虞其埭則薛鵝長春龍窟小崎高林連

坂光孝泥湏俱埭名泥湏火耕水耨其笠糾斯引清瀉

鹵桔槔不施南薰輕織翠浪離披諸名如麻諸勢如

綦屈難窮指書豈盡詞至若眾壑委輸滄溟為會繞

乎金鞍山名之表漲乎寶蓋山名之外星錯砥流羣嶼繁

帶二擔二嶺俱山名鎮於深瀨南北泰武山名水蒸雲靄

奇衍禾山甌錡傾欹貌蕩颺靜鏡激灑扶桑若帚極目

萬里湛灤踈汎水前卻聚騰之狀浮鷗天際狎翫釣叟蘋末

颺濁浪浪卒拍洲起貌灤聲灌濟泉波拍空逃斗天英

元艣舸雲棹靈若遊之而徜徉河伯駭之而負醪

若夫穀種則有安南新畱之春宜降來山香之秋益

俱秬麥有大小麻有黑白粟菽黍稷蔽畝充場可釀

酒醴可御賓客具木則岡松鬱鬱陵栢青青柯樸椴

櫟椽楮榕檉桃榔相思椶檜檀荆俱木蓀茂楠梓蔥

干杜英遊絲葛葛席蔭蕩蕩槎枒連卷輪茵飄縹縹

也布葉馭蔓挺幹參檣長木迎露霑露露重從風莅

鐔木從風作其竹則苞綠盤蒼篁橐筠引敷蓋庫空

同安縣志 卷之二十七 藝文上 三

偃龍吐屨風韻錚臆雨音滴楯圩千畝於侯封開三

徑於蔣尹蔣詡其果則橘柚餘甘黃彈菩提俱果菱

角玉蘊蓮房粉低平蒂蜀柑含消漢梨漢武帝園龍

血李虬卵神嚼之神爽青門瓜錦里栗剖焉意迷批

祀為綴樹之金石榴為沁齒之梨陳紫荔薦驪珠之

艷翠穎橄欖羅霜苞之萋野簌則蒼蒿茄瓿油蕨芥

壺俱菜溪毛則紫菜石花赤蕘芹菰俱菜生脆霜滋

露種種可需任土所麗佐鮮充廚至若名園奇卉則

有芍藥翻艷芙蓉滴紅月桂清芬籬菊霜花麗春夢

雲辛夷書空海棠標韻水仙迎風薔薇溫露而噴香  
朱葵傾口而朝東含笑似射雉之賈妻合歡非剖相  
之唐宗藥草之產尤為難名紫蘇括樓蒼耳黃精蒼  
苡射干蒟冬南星石蠶半夏甘菊金櫻山施地骨香  
河決明銀花皂莢菖蒲藍藤俱藥名澹澹中邪類濯外  
榮伯休鬻之以市隱安期服之而長靈羽屬則有紫  
燕白鸚提壺啄木文雉竹鷄釣魚布穀百舌畫眉斑  
鳩野鷺俱鳥名集谷拂霄巧嘯鮮翾隨波水禽則有海  
國鷺鷥鴛鴦鵲鶴鴿鴈鸛雉翡翠垂榮浮沈翻浴林  
同安縣志 卷之二十七 藝文上 四

濛軒騰唼流翻穢蕩瀾戲汀毛屬則虎兔狐獺豹鹿

麋麋猴猿豪豕山犬狐狸管獾竹鼯羆犴窮奇駘駃

獺俟號叫參差或啖其肢音彼肉也或寢其皮或剝其體

肩甲也或熬其脂鱗介水族則有金鯉跳躍銀魚婆娑

鱗鯧鯽鮓鱖魴魴鱉龜腳文蟹介蟹巨鼈江挑海膽

月蚌車螯龍蝦石首物困擁濤險喁游泳鱗鱗擊波

爾雅難狀漁叟獻多至若其人則山靈所孕地脈所

乳錯若列宿紛若驟雨園經郡志纍纍難譜曰忠曰

孝曰節曰義曰清曰慎曰廉曰智為詞林之宗者為

史事之賁者為人倫之冠者為閭閻之異者探理義而躬行者尚節槩而篤至者發光於耕釣之流者寄迹於禪元之祕者既欲尚論始為品置直諫則陳綱瀝膽於採茶許衍扼腕於攬戶吳祕書之櫻鱗名李燧

給事之干怒名獻可經濟則林斐停驂於行河曾祕叱

馭於秀麓黃萬頃陞對馬政而民蘇石起宗禁寬鷺

鹽而人服楊仁甫之異政流香名逢春傳國鼎之威風

振肅名鎮孝行則蔡挺卿割股事親楊氏女取肝進父

爾來尤多不可殫數死忠則守邕之蘇緘全家委土

同安縣志 卷之二十七 藝文上 五

死孝則給賊之弘綱姓張父弟免虜死義則葉秉乾不

屈於沙賊胡有耀慘戮於戊午儒學則演脈晦翁許

王餘韻許升王力行或恬澹而無欲或力行而善問邱鈞

磯名葵之解義博洽聲聞林茂貞之存疑名希元著四書易經存疑

接派泗汶循吏則昆弟二薛薛舜俞薛庸或用奇賑荒或

革例輸錢前後二許許巨川許伯詡或惠政見頌或撫摩稱

光南豐借畱有吳伯全之澤延伯全即子斌粵東遺愛有

陳以申之名聞名道基廉吏尊則宰輔蘇頌器局宏遠

卑則訓導林同禮節挹損周源之囊橐蕭然陳洽之



例券卻返文章則二石抽句瓊葩石唐二謝摘詞珠

藻謝脁許權宋宜絢春華而苑媚蘇紳石蕢濯錦浪

而岐倒又有劉孟木之英聲名汝楠解許子遜之魁

名名解隱逸則文圃豹隱於洪公名文用金榜龍潛

於陳翁陳黯居貞烈則吳康完節林葉堅矢莊氏為

閔閔之光莊氏進士張氏為武弁之美張氏千戶鄭

高母之皎皎如霜嫁於高祖池宗寶守節至八十歲

雨院為建坊云林三娘之凜凜自雉重以蔡別駕之妾水清

梧州府通判蔡宗德妾楊氏宋隱山之子投冰又有趙陳二女甫

同安縣志 卷之二十七 藝文上 六

醮而死史載朝旌琬琰難緘緇流則笑堂寄味於活

江黃蘗畱詩於瀑布俱詳覺光之斷臂建刹僧覺光

化修普照寺惟慎之孤雲潔素惟慎禪師住羅山對曾公

孤雲羽流則冲虛大師居觀而清修陳以文居天慶觀

冲虛大師栖霞真人置金而不顧詳又有佛岡黃尼戒行

高曜開元法周章服賜詔俱未笄而持梵堪媿名乎

靈照黃尼居佛子岡人稱黃佛法周姓王八起自唐

宋迄我昭代濟濟獻哲汗牛充載世遠人湮史籍猶

在或輝煌於甲第或鐫刻於鼎彝我觸類而凭思嗟

蒼狗之異態同之山川人物斯亦可採至鄉舉里  
荒陬珍珠難一二以言槩公子在旁冷然笑曰君之  
腹藏二酉窮石渠卽虞淵賜谷之勝鑿齒雕題之墟  
周禹貢所錄郭璞所書君固可肆成都之舌而騁稷  
下之餘也至若巨鎮孤島兵火所殪慶歷培養生齒  
繁隸冠蓋驥軒摩肩連髻賈貿紛錯士女靚麗通犀  
玳瑁取諸海澨煮水鑄山魚鹽若薺斯皆前代之所  
未集而堪輿之所未逮者也君亦能詳計之乎鷺先  
生倏爾佗條曰余生聖世芸窗一蠹水鄉蛟穴實所

同安縣志

卷之二十七

藝文上

七

未覲君請爲客一申數之也公子曰余亦非能外君  
之言也君稱泰武是爲浯洲廣袤五十爲奇十二蘸  
月池晃眠雲石翠擗眼倒影諸勝俱備天鴈遠鴈雲  
鶴展翅浮屠逢景而託情卽僧樵客臨山而增思姓

題咏盈崖殘碑畱誌其東風沙若霰民窶俗樸漁火

滿江波熬雪漉輪鮮四馳厨膳利渥其西家習縑素

人握靈蛇衮衮萃宴燔燔宮花次精法律蕭曹名家

又有嘉禾彌迤鷺門

鷺門嘉禾出別名

洞天迴異自關乾坤

突起洪濟古德蹟存南陳也薛桃李成村陽臺雲鎖

金榜虎蹲五老巖巖釣磯潺湲洞鶴嶺子晉吹  
地靈人傑科甲雲屯或如芝草之驟起或如星海而  
有源諸奇種種臨眺奪魂遡其所鎮江夏肇功藩以  
二寨星羅艤舫倭夷流賊戊午內訌趙武略效死於  
海上吳昭信號禦於玄鐘窮追曾酋機始通旁達  
西洋商舶四窮冬發鷁首夏返梓權朱提成嶽珍巧  
如膏醴醪如淮肴品若從俳優傳奇青樓倚觴蛾眉  
織膩綦履輕躡颯纏要紹七盤鷁翔買眼拂袖燭滅  
滓香流連兮財盡薄命兮花場權使橫索其貨物虎  
同安縣志

卷之二十七

藝文上

六

翼私剝而盈箱客卿曰公子之言似若有感鷺君之  
言盛矣悉矣古來山川混混湧茁人物濟濟何不見  
於春秋而獨盛於今日耶豈往昔陬圻化工未遑而  
景蓮之徒質耶抑蟬鳴蟋吟造化不能違時而出耶  
抑唐陶宋鑄必至茲累培而後實耶鷺先生曰君言  
信矣同之司牧隋唐以前無考矣逮至元符有令黃  
琮惠政入民故其風操身則峻爲吏則循又有孔若  
公俊宣聖令裔崇直學宮政蹟罕儷故其俗多絃誦  
之風而成詩書之世有唾石子重蠲民歲租故其風

宦多勛猷而丰裁獨殊有簿方士端得盜棄賞故其風豪俊拔俗而廉慎儻有尉蕭里赴義如欲故其風士多力學而行則馴篤 國朝迄今二百餘年前

有時王

時執亮 王琬

後有二張

張遜 張侯

頌德之碑長在卻金

之亭猶芳其餘祠宇層疊俱燦縑緗客鄉曰斯皆一時之澤製錫之手寧無仰之為山瞻之為斗而以學裕後乎鷺先生曰子欲分治教而二之也昔有訓導章文持重行臧又有教諭陸佶誘掖有方率我多士飭我文章典則不浮甲於閭鄉若是何如客卿曰斯

同安縣志

卷之二十七

藝文上

九

乃硜硜言行徒斤章程請問其闡先王之道伸萬世之經演心宗於洙泗炳斯文若日星者鷺先生曰昔有婺源元晦來簿是邑吏事勤敏黔首安輯學專身心庠序是急訪求徐王

徐應中王賓皆進士

以端士習推崇魏

公

蘇魏公

聲教沁入流風餘韻人爭樹立習俗由靡而

入淳士行任真而去飾東鄙地磽而勤朴西陲好剛而自克紫陽遺教萬古未昃若是何如客曰至矣盡矣蔑復請矣然觀同之歲時風俗元夜則火樹燈爛笙歌入雲羅綺曳錦油車氤氳端午則飛鳧競渡奪

標權紛七夕乞巧於吉璘重陽落帽於參軍舍布褐  
而爭艷冶去文字而醉紅裙俗尚淫侈大異所聞鷺  
先生曰燃明始於漢祀龍舟因乎楚鄉月宇遊於法  
善登高啓自長房斯皆前人遺事寄趣樂場用節伏  
臘之苦用消瘴癘之殃是何妨於理義亦何關乎綱  
常莊言公子曰我之所憂不在於此文明太盛人情  
漸靡交混水醴誼翻雲雨行事多屬幽隱文章爭爲  
奇詭毛嫵可突孳糜可美勢重於文日賤於耳茅屋  
如冰豪門如市萑苻之聚頗多庚癸之呼未已不亦  
同安縣志

卷之二十七

藝文上

三

生緯髮之憂而流賈生之滓也鷺先生曰子言太激  
吾聞俗雖中靡可以教興今 天子湛思求治振濁  
揚清顯揀賢令廣撫黎萌編示正俗競持廉貞修塾  
課士發倉恤惇天應靈雨於三日地茁瑞芝之三莖  
庚戌春後衛生芝一莖辛亥生芝  
一莖壬子夏又生一莖皆紫金色 鳴琴化普醇風復  
行有何雲雨之不散而蜀路之不平乎客卿公子沈  
酣斯語振輶勒鞚逡巡而去鷺先生客退無事弄梅  
花而飛觥盼白雲而箕踞

雞輪山之勝槩爲海外之巨觀由三秀以發軔指五  
蘆而盤桓恍駕輶而就熟乃同軌而舉安宜名賢之  
仰止俾後進以登壇彼其羣峯競轆如輕如軒如并  
其轡如俯於轅或專車而危坐或參乘以驅原雖羅  
漢之有像效僕從而無言爾乃精舍錯落殿宇輝煌  
寺爲興教肇自隋唐乃歸儒而逃墨爰過化乎紫陽  
發高吟於方丈垂巨筆於門墻戒戰龍於松勢喟倒  
景乎瞻望況其靈湫澤遠奇石名聞麟不踐乎生草  
鳳豈雜夫雞羣龜長伏於莓苔肯藉榮於節稅龍弗  
同安縣志

卷之二十七

藝文上

三

潛於淵海而未現乎煙雲踞層巒而體肖倚壘壑而  
形分尚金牛之別態亦負異而可欣爾乃振衣千仞  
之上縱目萬里之波齊蟻封於列島盼秋葉於輕舸  
天馬當驂而如舞美人延竚以顏醜九躍蜿蜓其讓  
路三魁縹緲而來過造物與遊天水無違行之象達  
夫同量邱壑豈自盈之科於是遠眺旣酣近郊可述  
高家粉其置棊千畝比而如櫛百雉雖小抗大海而  
稱雄變雲交流數近橋而第一銅魚在渚而泳鱗金  
車導前而待蹕熙來壤往闕遵路而倚衡後應前呼

企絕塵之超軼洵憑軾之爲娛足踞轉而永日然是  
山也處乎天南聞乎上國微考亭之攸躋曷四方之  
物色卽今書院之最高猶覩石像而太息由先路之  
不迷故閑輿而有則嗟此械樸之興不盡地靈之力  
今且以此海濱等彼鄒魯瞻泰岱以誕登豈峴碑而  
踵武良造頤指以長驅軾轍彌縫而爲伍執綏正立  
凝良止之定方大載積中任驟駁之靡監不亦高軌  
之可師而芳躅之共覩也哉

銀城懷古賦

林 霍

同安縣志

卷之二十七

藝文上

三

蒼湄林子郭外潛行指山川之形勢歎紹興而始城  
伊昔全盛華屋充盈人無兵革之患家多絃誦之聲  
村墟鷄犬接乎郊坰式歌且舞樂我昇平其令尹之  
爲治也儼大國之尊榮蓮花西擢表玉井之瑞鴻漸  
東翔有羽儀之貴北乃三秀靈芝南實天閑上駟此  
環城之四鎮而大輪山之擁衛傷哉戊子年中曠古  
未經之變異若乃登高遠臨博稽前志夕陽爲唐宣  
宗遁跡之山龍窟乃宋幼主經過之地榜標金號陳  
黯之故居圖以文名謝脁之居第仙家董奉之耨鬢

鬻爛柯隱士釣磯之臺依稀嚴瀨生於是邑則丞相  
蘇魏國宦於是邦則文公朱元晦銅魚繞雙溪之流  
葫蘆映百雉之內自宋而後以迨有明間諸故老封  
疆長吏則譚侯著捍倭之蹟如曹方城熊夢澤並威  
惠而廉能鄉曲少武斷豪強絕兼并先賢則林公理  
學亞於蔡氏許公制義邁於宣城黃逸所之俗善周  
子濬之風清蔡清憲之踵張襄惠陳莊江洪芳洲之  
參王震澤唐毗陵近世則范計部燕都殉難葉吏部  
北地捐生更有魯連士紳蹈東海而飄零論閭巷之  
同安縣志

卷之二十七

藝文上

三

矣則葉公秉乾里賜忠義爲人所稱布衣則顏宏篤  
侍臣推荐徵士則黃文昭海內知名五十年前衣冠  
濟濟王國之楨爲士者文不俟於剽竊學咸本於六  
經亦慷慨而尚風節薄豪貴而重友朋文物旣替戎  
馬爰興嘉禾中左十八載之抗衡旌旗海艦浪滾風  
飄南北門戶溫台惠潮山則虎谿洞則萬石嶼則鼓  
浪而宏濟宜觀日出極扶桑之遙崩奔託處比於渡  
遼若峽江曾公綸扉碩輔華亭徐氏掖垣高標螺陽  
耆舊如王吾卿孝廉有紀人倫之冠冕名士之楚翹



由烈嶼而東則金門咫尺監國魯王之宮光邦賈生  
之宅相過有會稽舊臣來遊多銅山名客北顧則太  
武巍然摩蒼穹而出乎萬頃之白嗚呼以兩島奇觀  
而此數公者雖顛沛而不悔凜千秋兮生色或登流  
寓之編或紀世家之牧僕有櫬里做廬在大輪之陽  
西山茂林端平石室人煙接壤雲樹相望昔歲游好  
有莊有張痛庚子之駐牧桑梓幾乎龍荒我先人之  
艱勤剪荆棘而修屋堵辨土地之宜考種植之方由  
是舍南舍北漸有果樹兮青蒼耕田之數畝亦可足  
同安縣志

卷之二十七

藝文上

七

乎稻梁境遇非一暫遊去鄉同小人之懷土時自顧  
而悲傷嗟乎山川不改雲物如常而世道有盛衰吾  
生有歡頽是以上遡前徽中及師友而終於昊天罔  
極之難忘

三秀山賦

劉紅葉

屹三峯以立地壁兩峽而涵天源芹山而鼻祖基銀  
海以襟連柱植錐脫龍蜿鳳騫深藍晴鬱淺碧秋鮮  
垂紳正笏端拱邃縱俯仰卽離相讓宜然若夫角尾  
躡左木宿在東菁葱露頂翠玉攢穹火帝司令止位

居中少昊耀質同協和衷戴石爲燄覆釜藏鋒洪鈞  
鼓鑄金火乘風近看有象遠視無踪皆能抽篁出箏  
擲筆書空陵青霄而濯玉蘸雲墨而跳龍若乃百嶺  
扶輪千峯稽顙天門遙通帝座高朗林無滯聲川不  
停響綠華褊褰赤松來往或瀑而簾或扈而殿或牀  
而匡或跡而想或跌而網或跛而杖或梳而奩或披  
而警或燒漢而如燈或升空而成掌或噴玉而爲花  
或蟠蜒而爲蟒或舒舌而爲龍或蒙頭而爲魘是皆  
奇在幻而逍遙亦有靈風來而舂蠻卽有降龍伏虎  
同安縣志 卷之二十七 藝文上 三

唾獺驅羊椀椎織屨匏史傾壘瑤牀偃仰蛻迹徘徊  
祀來疊扣劉阮交來或扳丹以拂黛亦採秀而銜杯  
於是凭靈遴傑選俊登賢植花文園釣石澄塵受書  
畏壘補袞平泉窮經存闕抗節繩愆騰譽雁塔馳聲  
木天鶴書之所召楓黼之所實赴疆場而誓死履堂  
陛而垂紳才華磊落氣骨嶙峋是皆山靈之孕毓實  
爲海甸之佳珍欲載名而列姓難紀舊而書新要之  
天列三台宮垣並伸地挺三秀友朋相與爲邑之鎮  
爲仙之所登地輿而標尊列邑乘而軒舉或出雨而

興雲爰膏苗而潤黍拱極若三公之序班接天得一  
鼎之規矩伊數百里之望瞻實億萬年之封旅夫閩  
地山多同邦海迫列嶂圍屏眾峯樹鏘金鳥綬垂鷺  
江帶劈獨茲三峯藐焉寡敵運海得鵬障天摩壁以  
爲父子武穆文昭比之君臣左賢右戚藏藥漢秦假  
山輒賦過化存神紫陽畱迹有仙山名有聖地關圖  
繪丹青垂芳竹帛

詩

再至同安寄民舍居

宋 朱 熹

同安縣志

卷之二十七

藝文上

三

端居託窮巷廩食守微官事少心慮怡吏休庭宇寬  
晨興吟誦餘體物隨所安杜門不復出悠然得真歡  
良朋夙所敦精義時一殫壺殮雖牢落亦已非所歎  
縣學教思堂作

吏局了無事賢舍終日閒庭樹秋風至涼氣滿牕間  
高閣富文史諸生時往還縱談忽忘倦時觀非云慳  
詠歸同與點坐忘庶希顏塵累日以銷何必棲空山  
試院卽事

端居惜春晚庭樹綠已深重門掩晝靜高館正陰沈

披衣步前除悟物懷真心澹泊方自適好鳥鳴高林  
登閣

橫空敞新閣高處絕炎氣野迴長飈入天秋涼氣分  
凭欄生逸想投迹遠人羣終憶茅簷外空山多白雲

同安官舍夜作

官署夜方寂幽林生月初閒居秋意遠花香寒露濡  
故園異時節欲歸懷簡書聊從西軒臥塵思一蕭疎

其二

總戶納涼氣吏休散朱墨無事一翛然形神罷拘役

同安縣志

卷之二十七

藝文上

七

署中豈非閒無論心與跡

秋夕齋居

西齋坐竟日曠然誰與儔感茲風露夕始知天宇秋  
庭樹且扶疎時物詎淹留心空累云遠歲月真悠悠

其二

公門了無事吏散終日閒涼葉何蕭蕭悲吟庭樹間  
琴書寫塵慮菽水怡親顏憶在中林日秋來長掩關

與諸同僚謁奠北山

聯車陟修阪覽物窮山川疏林况朝景翠嶺含雲烟

祠殿何沈邃古木鬱蒼然明靈自安宅牲酒告恭處  
肝鬢理潛通神虬亦蜿蜒旣欣歲事舉重喜景物妍  
解帶憇精廬尊酌且畱連縱談遺名迹煩慮絕拘牽  
迅暑諒難畱歸念忽已騫蒼蒼暮色起反旆東城阡  
梵天觀雨

持身乏苦節寸祿久棲遲暫寄靈山寺空吟招隱詩  
讀書清磬外看雨暮鐘時漸喜涼秋近滄洲去有期  
民安道中

祇役東原路晨風海氣陰蒼茫生遠思慷慨起寒襟  
同安縣志

卷之二十七

藝文上

三

午泊僧寮靜昏投縣郭深拙勤終不補誰使漫勞心  
過苧溪

秋山有紅樹忽憶野田中禾黍收將盡氛埃晚欲空  
登原悲落景倚杖怯高風更有寒塘水應將此處同  
小盈道上偶成

今朝行役是登臨極目郊原快賞心卻笑從前嫌俗  
事一春牢落閉門深

遊梵天寺

傑閣翔林杪披襟此日閒層雲生薄晚涼雨遍空山

地迴衣裳冷天高澄霽還出門迷所適月色滿林關  
普照寺  
滕 翽

海翻波浪遠危峯無盡巖前此界空不是灰心求佛  
者片時難住寂寥中

六月寓章法寺

邱 葵

暝色入招提昏鴉已不噉諸僧空院出老子獨山棲  
堂面無人過天形鎮日西宋寥應不恨吾道與時睽  
別城中親炙

不堪離亂後重別舊交游到處無青眼歸家空白頭

同安縣志

卷之二十七 藝文上

五

風霜秋一葉山水暮多愁後會知何日臨溪淚欲流  
出院門閒步

出愛前邨景歸穿薄暮烟鳥飛虛碧裏人在落紅邊  
近晚山容澹新晴稻色鮮殷勤一溪水清到院門前  
步院前溪

偶出山門去爽涼步淺沙谿流盤略約崖沫上槎枒  
野拓天圍大風吹日腳斜吟成無與語獨立數歸鴉  
月中與諸爻還沙溪

爲愛江頭月迴環宿鷺汀露濃如潑水天澹欲無星

樹色依山黑螢光出竹青夜深幽興極  
寥影自伶俜  
雨中宿章法院

瀟瀟一江雨涼氣入山扉離舍本不遠  
連朝亦忘歸  
紫荊成子落黑螳化蛾飛看盡浮生事  
終輸破衲衣  
寓涪江識老魏秀才

衡茅蕭索泣寒蟲獨自吟詩句未工  
敗葉能令溝水黑亂雲不放夕陽紅  
半生辛若空儒服一歲蹉跎又朔風  
不意窮鄉有奇事暮年得拜鹿門翁

章法院堂中清坐

同安縣志

卷之二十七

藝文上

三

到此人空法亦空跏趺獨坐夜方中  
清還風去明還月自巳清明只在躬

同劉松江存德李刑部春芳登梵天寺高頂

明  
劉汝楠

層臺高倚碧山岑圓竇虛明鳥道深  
世上驅馳資佛力區中妙覺見禪心  
摩巖苔蘚荒碑刻極目雲霞變夕陰  
咫尺諸天人境外下看城郭書沈沈

普照寺

野寺前朝建空門大壑開鳴鐘霜氣動  
拂席雨華迴

石倚天星落江涵晚照來山中諸法侶塵劫幾成灰  
遊大輪山梵天寺

共有山中約還尋頂上行長林知暑退極浦見雲平  
石轉瞻亭字庵存畏壘名來遊千載後訪古若爲情  
月夕曾照寺對酒

華月蘸清尊虛庭露氣繁懸猿啼白壑歸鳥度黃昏  
樹色搖山殿江聲到寺門上方詩品寂永夜不聞喧  
登梵天寺次劉汝楠韻 劉存德

法界了無際迢迢望氣行言從仙子去坐見海雲生  
同安縣志 卷之二十七藝文上 三

斷壑吹靈籟浮雲遠世名應知塵劫盡惟有懷賢情  
次和少府丁少鶴遊梵天寺 王京

滄海波清吏事閒追隨鶴馭入雲山空堂聽梵心先  
寂石磴穿羅手自攀古木戰龍成物化夕陽飛鳥向  
人還諸天共倚青霄立風動仙衣月照顏

登梵天高頂

李春芳

賸有登臨興言從絕頂行雲中雙鶴下天外幾峯生  
篆古猶存跡苔深不辨名高山懷仰止落日倍含情  
同葉君實郭奇琮一友遊雲頂巖雷雲洞



洞宿孤雲久吾來亦暫畱身隨天路迴情寄野僧幽  
檻外濤聲聒林端雨氣浮同儔二三子高步信良遊

秋日雲奇巖遊覽

盤輿參皂蓋乘興到巖阿一徑秋容淡千山晚翠多  
輕霜沾秫稻微月掛松蘿卽此堪招隱無人柰若何  
遊西山巖次石上韻

殿宇參差霄漢閒蒼松白石護禪關茫茫遠水征帆  
杳片片輕霞夕鳥還已覺浮生如夢過幾時行腳似

同安縣志

卷之二十七

藝文上

三

僧閒山廚且煖松根火暫倒壺觴一解顏

龍窟古渡

層崖聳翠映峯巒一水滌河碧浪翻年去年來車馬  
渡老榕古石解人言

遊大輪山

輕颺晴旭弄熹微藉草傳盃淨可依登陟自誇身頗  
健交遊漫說世相違陵霄碧幹情彌上激石清泉勢  
欲飛多少少年成皓首牛山峴首淚沾衣

寓居鍾溪草堂

數家臨水構一壑繞溪探短褐吾將隱微言世豈耽  
媒媒多閉戶嘿嘿白窺潭休訝蕭疎甚從來僻性堪  
羅漢峯 莊一俊  
羅漢西來又一峯夕陽僧晚已鳴鐘三千諸佛知何  
處畱與高人養臥龍

登太武

丁中

奇勝誰登絕徼山嶙峋偏自愛躋攀滄波四面浮瓊  
島青壁千尋護玉關北望五雲天關遠南瞻萬里海  
邦閔公威舊識蓬萊路便擬乘風駕鶴還

同安縣志

卷之二十七

藝文上

三

虎溪巖

何喬遠

卓地非凡石干霄盡峻峯哲人開慧竅神秘吐靈蹤  
月色明鮫宅天風散雉墉幽期來信宿新木挹高榕  
其二

眾石黑如漆子雲來守元竹書窮日月地紀劃山川  
場老磯終古今之嶺尚懸勳名成遂後還到草堂前  
嘯臥亭

長風乘高秋來此觀溟渤不知天際頭決皆是何物

嘯臥亭

黃泗清

俯矚大地浮仰觀天日浴便欲乘仙槎因之問海屋  
早春同客遊梵天寺  
蔡獻臣

人遊喧古寺客到及春前寒樹晴光暖孤亭暮景懸  
躋攀應爾健高臥任吾堅夜靜梵鐘動不驚老衲禪

次劉學憲汝楠大輪山頂石韻  
陳基虞

乘輿招攜上絕岑巖花野鳥自春深乾坤到處如輪  
轉身世誰回彼岸心一點青山浮海上雙溪碧水倒  
松陰遊人若問圓通路曉閣鐘聲響未沈

大輪山  
蔡復一

同安縣志  
卷之二十七  
藝文上  
三

歡情一往已成非猶愛秋光上翠微磴折寒雲行款  
曲帆開遠水見依稀霜鴻惜影應遲菊露葉含情將  
染衣明日當歌烏鵲起暮鐘雖廢忍言歸

梵天寺

地多雲氣自爲天樹共山開失記年有客杖依珠苑  
鶴孤吟鐘散海門煙雨餘龕火涼宵話香定松風美  
午眠荔子將成嫌酒晚葛巾漉取聽飛泉

其二

靈刹因人地轉深追涼結伴快幽尋茶瓜以外無兼

味山水之閒有遠心好鳥依林風自語輕雲閣日午  
猶陰稻香花氣緣郊路餘興還堪託素琴

壺隱山房

市廛寡真氣未果徇山緣偶得東郊地誅茅構數椽  
既減酬往喧兼於藥物便經始良意銳竟圖知力艱  
堂成置酒落盱眙亦欣然移花未成樹好鳥已畱連  
萬物各懷新幽姿聊自妍

其二

入門逕左折槿藩冒綠蘿小亭周以闌方沼俯窺荷  
同安縣志 卷之二十七 藝文上 三  
傍垣稍露隙嘉箭擢其柯深愧食采儉未足展菘猗  
地狹取之盡拾級引陂陀受分故已短爲巧謂幾何  
偃仰聊復足會心不在多

其三

出郭塵事疎近山佳氣上況此壺中天入愜得景廣  
捲幔延清霏空色落吾掌澄霽竦黛鬟攢煙屢異象  
時維暮之春草木日以長淨歸茗筍香翠與琴書見  
微風灑然來卽事成新賞

其四

山水如高人親疎不可得自我賦遁思日招同舊識  
及茲卜築成頗能具主客尊前行疊青檻外散虛碧  
雲物澹清朝風月陶永夕邱壑豈見私疎慵豐暇日  
散懷若無涉觸歡自相卽常恐負幽諾於焉并心迹

視師中左

閩中  
南居益

嶠廓闡天際縱橫島嶼微長風吹浪立片雨挾潮飛  
半夜防維檝中流謹袂衣聽雞頻起舞萬里待揚威  
其二

一區精衛土孤戍海南邊潮湧三軍氣雲蒸萬竈煙

同安縣志

卷之二十七 藝文上

三

有山堪砥柱無地足屯田  
魏虎聊防汎蛟龍隱藉眠  
洪濟山  
池顯方

長川展鏡蘸嬌顏幾片雲花貼翠鬟九萬里風生足  
下八千國士在眉間曉鐘未動雞銜日暮樹多寒鳥  
背山一夜何聲喧不住應知虎豹扈天關

雲頂巖

新栽松檜已齊腰秋老芙蓉尙插霄烟外家鄉纔遠  
水石閒如字半前朝但看野色無城市難判天風異  
海潮白鷺遙汀飛不見寒雲幾縷傍衣飄

浮海

楊朝演

直掛雲帆滄海東三山指點有無中  
黑濤直上浮荷蓋雲浪難猜入碧空  
堆捲琉璃鯨勢突吸噓樓閣屋情通  
細分日月爲行表騁着文魚作馬驄

鷺江聞潮

秋氣生寒浪雪堆亂捲天動搖山島外  
溯游草堂前詩老須心遠情深貴耳元  
欲持真獨立宜向冗忙邊錦庄夜半

煙銷蘭桂飫餘情一枕黃花入夢清  
忽見雨絲千萬同安縣志卷之二十七  
藝文上 三落又聞簷馬兩三聲

遊鼓浪與

竦峙滄波上區區亦厚坤菑田一岸綠  
渡浦兩峯尊潮落林中靜煙騰海氣昏  
漁樵雜冠蓋談笑畫桃源錦庄閣坐

楊秉機

籬邊黃菊艷映入小堂中青史前賢在  
疎簾秋色空蘆花含畔白雁字寫雲紅  
薄暮茶煙起銀河耿在東遊晃巖

孫朝讓

一桁青山屋外斜芸編堆處有人家  
嵐光想逐朝烟

到谿色應愁遠樹遮心句久參龍豎指膽瓶時供鹿  
銜花亦知閉戶無餘事掃葉泉邊自煮茶

遊晃巖

無錫曹荃

端山山勢遠欹斜中有幽棲處士家千嶂光迴屏若  
列一溪陰度樹還遮客來有約頻看竹話到無生忽  
雨花最喜圓明禪理透夜分手瀟紫團茶

遊晃巖

餘姚陳相才

翠巉顛特來溪斜別有栽雲作構家抹眼裂畦紆徑  
引壓眉懸石亂峯遮鉤奇欲問元成草說法還探淨  
同安縣志

卷之二十七 藝文上 三

散花頓覺香塵空十斛叩扉便與趙州茶

激素洲

晉江秦鍾震

幽壑納餘青晴川浮片素溪山映發中雲鳥自朝暮

韻亭

餘姚邵之詹

以塵觸其根入耳都成韻故凡屑有聲無非妙明蘊  
清籟叶宮商空中相答問我亦動天倪戛句敢辭鈍

松亭

松陰十里長入境幻幽幽倚松以爲廬蒼龍遶深谷  
下際端山門上緣晃巖屋不雜清淨因于此聊通俗

眾妙亭

入勝地轉佳尋幽集其要淵達開襟懷千山同一笑  
聽沈泉乃升激素縈孤抱適我皆天機觀物見窈渺  
應接耳目紛動中靜皎皎會心不能言但知為眾妙

石淙洞

穴山以為洞入洞山乃見蒼崖蘿薜紅遙泉巖外轉  
晴天決簷溜空際懸一線積水接瀑聲波流雪光卷  
朱鱗若空遊聞聲來水面落葉依澄潭喋食雜花片  
懷清生稱幽境適意難遣緣雲歸洞門殘夕山氣變

同安縣志

卷之二十七 藝文上

三

眾妙亭

嘉定

張鳴盤

淮君所歷亭選勝在山椒石路上雲氣秋陰生沈寥  
依稀窮島岫毫末辨漁樵下界微鐘動窅然塵慮銷

雪山頂上叩僧休歇

黃文炤

壁立層雲香徑通捫蘿又上茂林峯月高庭後無人  
到惟有龕前大小空

御踏石

紀文疇

國恩力盡涕潺湲滿目衣冠感舊山駐里鼈潭空帶  
甲牽舟龍窟尚朝班不磨其跡若臣意所至則書天



地閒石爛於今杯荐水春田受福護江關

大輪山

周廷鑑

雨中幽興盡筇履亦難馴果雨雲如蓋居然石作輪  
寒明生野燒靜籟測風榛僧茗虛相對停盃憶故人  
殉節篇爲烈婦洪和作

盧若騰

妾爲君家數月婦君輕別妾出門走從軍遠涉大海  
東向妾可嗥代將母妾事姑嫜如事君操作承歡毫  
不苟驚聞海東水土惡征人疾疫十而九猶望遙傳  
事未眞豈意君訃播人口滔滔白浪拍天浮誰爲負  
同安縣志

卷之二十七

藝文上

四

骨歸邱首君骨不歸君衣存攬衣招魂君知否妾惟  
一死堪報君那能隨姑長織罽死怨君骨不同理死  
願君衣共相守骨可灰兮怨不灰衣可朽兮願不朽  
妾怨妾願只如此節烈聲名妾何有

遊龍潭

郭貞一

殷殷觸石氣如虹灌莽驅除見化工四海龍蛇方鼎  
沸一潭魚鼈湖雲滌釣臺煙雨鬪磯上納麓風雷鳥  
道中地勢遙深天亦小樽前抗首問詩翁

遊虎溪巖

謝璿

峭壁懸蘿幾度攀巖前野鶴去來閒藍拖洞水香生  
玉翠結峯頭巧作鬟時有白雲環洞口可無青草夢  
池閒風流屐齒吾家事漫學枯禪浪閉關

遊佛跡山

國朝張光雲

到此纔三里巖孤樹不羣茶空僧去乞香妙客來聞  
半壁泉成雨前溪鷺似雲老夫貧亦暇山色共誰分

林子濩過舫亭

入戶掀髯笑清風見故人看花君得句種竹我成隣  
命駕休嫌遠交深果在貧停杯思別久梅柳又舒春

同安縣志

卷之二十七藝文上 望

山中晚眺有懷

采山非長往但爲世網故僦屋泊寒溪遊魚清可數  
心遠誦陶詩真隱人如晤買山初學耨崎嶇關梅圃  
餉客備冬菁蔬薯及麻芋開畚燒白雲采葛穿霧露  
日落看山水麗奇可坦步悠然見三山三秀山紫翠木  
末吐堤柳晚生烟沙汀下白鷺星漢野天高樵人滿  
山路忽憶江千人西東隔煙雨何當灞陵來秋情在

花樹

黃山人遊鷺島六月十二日有歸信至賦此以

答之

是夕江鴻來云君將歸舫憶君歸未歸孤懷正澹宕  
憶昔君江行園花託日養叨作林園主心目表靜尚  
柳迳日芳菲花竹幸無恙芭蕉出長廊夜半秋露響  
傍梅有佳禽采山聊自餉獨此池梁淺荷枯魚已喪  
嗟予守孤芳琴心誰見賞多君豁達懷待我古賢上  
疎雨寒燈閒悲歎在旅况何日南風飛送君歸五兩

題萬石巖

南安鄭纘祖

洞壑猶然昨依稀記昔遊山空餘萬石海濶有孤舟  
同安縣志

卷之二十七藝文上 三

天地本難老風烟容易秋客心何所感惆悵大江流  
虎溪巖

滿眼旌旗在疇能辨劫灰虎溪浮地出鯨石倚天開  
夜月誰吟嘯秋風自去回不堪懷往事腸斷水雲隈

過虎溪

惠安林之濬

幽巖興未已相將過虎溪寒律振林木落葉滿巖溪  
攬衣沿磴坐羨此足禪棲遙指昨遊徑靈境異東西  
川渚海迴合岡澗石高低雲蘿翳鳥雀風帆亂鳥鷺  
蕭條驚暮節零落慨殘題浩歌山下去漁火照長堤

洞中如深甌團團露其蓋泉脈長潺湲未流澗清損  
偃僂出深空脫然蟬離蛻荒忽難窮詰造物弄狡獪

遊萬石

海霧散朝旭巖巒積空翠緩步共躋攀徑險心亦悸  
怪石紛峻嶒僧樓構幽邃孤亭一延眺邈然滄海意  
嶮嶮生禪寂滉瀆悟廬寄江上成慷慨林壑保深秘  
寒濤奔晚照抱膝發長喟

大輪山弟晦翁遺跡

朱 衮

仰止大同祠敬弔大輪迹一陟雨華堂清風灑巾舄

同安縣志

卷之二十七藝文上

三

年催戰龍松山倒瞻亭石悠然三秀峯猶帶鴻蒙色  
晦翁千載人蒼苔護心畫遺跡不可磨長歌海天碧

秋日梵天文室攬勝卽事

福州 何 蘭

盤盤磴道繞琳宮一帶滄波畫裏通清磬曉敲榕葉  
月妙香晚送竹枝風叢林金碧傳隋室法戒精嚴識  
遠公最喜秋光能薦爽相將莫放酒盃空

其二

經旬臥疾困秋風此日招攜選勝中說法如遊龍藏  
外置身疑過虎溪東碑銘臥草述陳迹鈴鐸依林響

梵宮坐久頓令心地淨信知持偈萬緣空

太華巖

晉江 倪鴻範

傑構華巖壓眾峯峻嶒攢簇似芙蓉蒼崖峻巖泉千尺石磴縈紆路幾重谷口頻看青障拱山腰時有白雲封為憐西嶽高堪仰聊把蓮花擬岱宗

福船山

山如寶筏寄人閒藤蔓重牽碧漢灣每訝浮杯登遠岸還疑折葦涉元關慈航穩泊峯巒靜陸地無波歲月閒梵寶虛舟能度世方知佛法妙塵寰

同安縣志

卷之二十七 藝文上

四

真寂寺

蔡驥良

一真寂處寄閒遊破壁荒題恣討求自是夕陽遺照好非關帝子舊風流魚龍水亂行人少石鼓聲沉蔓草幽為語山靈仍瀑布遠公今築此峯頭

萬石巖

張對墀

袍笏時時拜米巔別開蓬島隔塵緣一泓清淺沙為路萬竅玲瓏石作天佛洞雲深連樹藹僧房日午起茶煙欲攜勝景囊中去擬與秦皇借一鞭

遊虎谿日光巖

林翼池

春風歸鷺島彌望水雲天拂蘚晴題句攀松夜煮泉  
敢矜風月主幸締海山緣不厭芒鞋破長遊學少年

葫蘆山

陳 臯

孤岡突野翠屏環雉堞紫紆指顧閒自有長城堪作  
鎮寧無平地可爲山萬家烟樹連青靄兩岸風帆駛  
綠灣軍壘已殊征戰日百年烽靜此躋攀

梵天春日

高林漏罅眾峯攢凝翠亭通草閣寒柳綫困烟橫略  
約垣衣經雨上闌干半簾鴨篆春風裊一枕鶯聲午

同安縣志

卷之二十七 藝文上 五

夢殘靜掩松扉無箇事從他癡蝶鬧花園

秋夜宿輪山書院

高以彰

乘夜閒遊到此閒話深不覺夜將闌案頭書帶茶煙  
濕簾外花飄酒氣寒星點宛堪伸手摘月輪最好倚  
窓看悠然且得襟懷朗不怕高城曙漏殘

登大輪山龍門

方朝敬

龍門萃岬壯高臺水色山光眼底開兩島蒼茫騰海  
去雙溪紆折抱城來孤舟出峽紅濤擁眾鳥投林夕  
照催終古浮雲多變態卻教寒屐幾徘徊

登大輪山

杜鴻猷

未到輪山上先聞法磬音  
人行山徑曲水出石谿深  
晚照松閒影輕風竹外陰  
遙觀峯頂上惟見數飛禽

輓高浦范介卿

天台 齊召南

壁墜姚碑明社裂赤眉直入黃金闕  
百尺天閭不可關安知倉庾緘  
雙楔壯哉溫陵農部郎寸心鍵閉堅  
千鐵君殉宗社臣殉倉一死相從固騷屑  
早教鎖鑰付斯人北門未便輸狂孽  
空令嚼碎睢陽齒石堦碧灑萋宏血  
況有佳兒殉乃翁一門卞氏同忠節  
祇爲同安縣志 卷之二十七 藝文上 吳

印月池

江西 譚尚忠

一月印萬川在在皆如是  
繫彼池上人臨流獨遙跂

磊巖

借汝他山石疊此庭中巖  
中有一線天萬象呈機緘

曠怡亭

逢逢山上雲汎汎水中鳧  
高懷寄俯仰何必皆鳶魚

三疊滌

流水本無心山石爲曲折緬懷巨廬峯此亦小三疊  
金榜山訪閻公石室  
南安 洪世澤

金榜山高對玉臺隱君舊業半蒼苔著書人去成千  
載洞外寒花閒自開

迎仙片石倚巔岼場老當年此閉關欲問藏書何處  
所白雲空自鎖名山

前人著述後人傳考獻徵文此必先石上摩挲深刻  
字風流又見令威篇

遊雲頂巖

同安縣志

卷之二十七

藝文上

四七

方丈連清淺蓬萊半紫氣雙潮林外合二郡望中分  
竹引瑤池液衣畱玉洞雲幽尋殊未厭出谷已斜曛

題荷庵

會溪 陶元藻

煙水周遭淨土憑大光明界我初登數弓小圃蔬兼  
竹十笏閒房佛與僧過雨寒沙移舊跡隔墻秋嶂見  
高稜白玻璃內天花影悟徹真空卽上乘

萬石巖

塊壘呈海濱奇狀非一類點頭固有靈呼丈亦何愧  
琳宮嵌嵯峨一逕入幽邃嶽崎歷落多我醒石已醉



風懦雲懶行日夕山欲睡木末寺樓高微吟坐寒翠  
虎溪巖

忽聞虎溪名疑向匡廬眺愧我非徵君詎逢遠公笑  
斷崖補僧居領秀得要妙幽厓陰森生乳溜滴懸竅  
中有長明燈翠壁色照耀雲盤護佛幢花映煮茶銚  
經秋眼若明對石句亦峭那得買山錢割此海中嶠

遊雲頂巖

福州 羅前蔭

陵空盤磴道無際豁雙眸海色陰晴變山光口伎浮  
濛濛青未了瑟瑟氣俱秋尺五天低處寒鐘落寺樓

同安縣志

卷之二十七

藝文上

四八

春日讌集梵天寺

風日晴和三月中芒鞋破蘚大輪東渾疑載酒依蓮  
社漫說參禪禮誌公蒸底閒關鶯語滑墻頭歷亂寺  
桃紅諸天脫盡塵綠味只有煙霞想未空

玉屏遠眺

龍溪 黃梅

玉屏開島上勝槩豁雙眸鼇柱陵霄起鯨波浴日浮

雲橫京口樹

京口卽大觀山與廈島相對

湖拍鷺門舟海國清寧

日登臨樂未休

宿梵天寺

一桁袈裟劫未灰禪門煙樹畫圖開行來地僻塵無  
網悟到心空鏡有臺旛裏拈花窺佛笑雲中飛錫見  
僧回買山未遂平生志更與東林訂後來

輓卓孝子

吳必達

至性人同具純孝古今難卓子幼失怙事母力  
能殫海氛訶未靖播越歷江干參商阻中道慟  
哭摧心肝廿載走漳市悽悽漳水寒明神皆覺  
路轉恨少羽翰引領瞻嵩嶽雲樹何漫漫自顧  
無長物行囊澁可歎生我痛離別我生何足歡

同安縣志

卷之二十七 藝文上

四九

埋兒與鬻兒千古同辛酸徬皇出鄉井萬里一  
身單山程和水驛足繭步蹒跚中州見母日還  
疑夢中看尋母終得母悲喜兩交攢扶病向歸  
路乞食亦心安行行列江滸鼓柁陵深湍封姨  
撼檣柱哀禱迴在瀾惟憑誠之格磨折任千端  
歸來隆色養晨夕勉加餐依依十六載采徹南  
陔蘭

聖朝宗

孝治

錫類典綦寬

九重應入告

褒

揚垂不刊伊余非所職珍重屬春宮

涪江秋思 迴文

飛鴻隻影照江寒  
落盡空林楓栗丹  
魏枕半斜燈寂  
寂薄衾孤冷露  
覆覆衣添病起  
驚風厲扣滅愁  
來束帶寬違願  
故園家夢遠歸  
思萬丈數深端

萬石巖

肥溪 黃日記

鷺江富名寺萬石獨稱最  
包羅兼眾有變幻誠無外  
危樓縱還覽飛奔與日會  
烟火億萬邨城郭橫繡繪  
前有海無際空闊不可奈  
蜃氣常出沒青紅浮杳靄  
後有松數株倚立懸高旆  
清風與吐吞時時發幽籟  
同安縣志 卷之二十七 藝文上 五十一

雙溪泛舟

郭邁

喜趁秋光緒其論孤帆遠  
引入花邨川環曙色波如  
熨權拂澄空碧有痕隔岸  
蘆菰開別界滿山風雨妬  
殘尊狂歌嘖嘖人誰在  
爽氣遙情恣吐吞

秋日同遊大輪山

騷人邀其此山遊躡磴摩  
崖宿雨收蘚帶疎泉勻石  
碣 連古樹護僧樓三年  
客去留鴻跡二水煙開見  
鷺洲漫說鴈峯攜謝句祇  
將遠意問高秋

笏拜軒

黃濤

我與石爲隣我在石亦介樂此已忘疲常同米顛拜

躍龍橋

納盡羣山流中有迴瀾砥神龍去不歸朝暮雲猶起

過都門同安瑩弔范介卿先生 林應震

明之縉紳壞明宇闖賊乘之拾如俯蹂躪衝突若雲  
屯坐索庫帑及大府先生所司惟管鑰但知死守輕  
於羽天下大鑰已授之豈徒拘拘鑰不與忠孝生來  
一脈承子能死父父死主化風夜吼集靈旗凜然生

同安縣志

卷之二十七 藝文上

三十一

氣還高浦

義井

凜此觸然操行人皆起興長留一井水猶貯玉壺冰

九日重遊萬石

張允和

幽巖屢訪興奚窮勝日清樽此復同老去惟應親晚  
菊朋來有信逐秋鴻成霞海色翻欄外合樂泉聲出  
洞中戀賞卻忘山已夕拄將筇杖聽松風

弔張義山先生

劉瀚

玉殿空兵火金臺沒戰塵山河十六帝草莽一孤臣

國破膠庠在時窮節義伸無顏爲弟子有骨樹人倫  
濁酒悲吾黨寒泉付此身諸生今百載萬死尙衣巾

梵天寺

莊光前

巍峩梵宇迴陵虛憶昔陪朝勅賜初寶地雲霞開佛  
國山門龍虎衛禪居法幢花雨諸天外猊座金身六  
代餘勝蹟不隨塵劫化至今古刹未邱墟

三忠祠懷古

萬里勤王下粵東汴杭國步總煙烽閒關泥馬蒙塵  
去魚水君臣入海從城郭祇今華表鶴風雲何處鼎  
湖龍松楸一夜空階雨添作當年血淚濃

大輪山

東北逶迤遠勢連倚空高聳翠微巔諸峯露冕陵雲  
出絕頂飛輪抱日圓千載空巖留月色六朝遺梵鎖  
秋煙紫陽往跡瞻亭在曾憶山中過化年

九日同諸友人登梅山

重陽佳節此登高選勝梅峯雅興豪不有參軍來落  
帽豈無詞客共題糕人烟山郭千家井海色秋風萬  
里濤同醉月臺臺上月盃中賢聖是吾曹

登奎星樓

童浚德

奎樓突兀構城東，曲檻疎櫺面面通。近得聖居鍾土氣，依來異位振文風。台垣顯跨雲衢上，斗宿光臨泮水中。此日門墻新黜堊，時重修紫陽祠憑高一望興何窮。

重建仰止亭懷古

輪山院外建新亭，仰止題名自昔經。徽國遺芳常在望，王侯舊址好相形。憑高俯瞰峯巒小，坐久時聞翰墨馨。一逕浮圖幽絕外，光風霽月憶先型。

義娘墓

莊明呈

同安縣志

卷之二十七 藝文上

三

風塵陌路委花鈿，埋玉沉珠事可憐。智井轆轤心是水，其人冰雪冽於泉。空林鳥鵲寒雲外，古道麒麟夕照邊。杯酒郵亭澆墓草，廟門香火起秋烟。廟為接官亭

聖泉

何年勺水錫嘉名，牽綆徒深汲。古情能識源頭泉，始達從茲會悟聖之清。寒生風雨歸松壑，香繞旗槍到茗鐺。有本由來如是取，盈科混混一渠成。

太平巖

葉廷梅

招提隱隱隔層霄，石磴欽崎一線遙。僧去平臺花雨

冷風清古剎海氛消青山落木空斜照綠水孤帆半  
夕潮兩袖飄然薜蘿徑那知頑石笑漁樵巖上有裂  
石刻石笑

白鹿洞

鹿洞嵯峨出上方晴明野色自蒼蒼行來樹隱孤巖  
靜坐對山空一嘯長萬井迷濛烟火市半窗縹渺水  
雲鄉夕陽洞口花迎處紅袖輕飄羅綺香

秋日陵晨登觀瀾亭

畫角催開魚鑰局石橋人過水冷冷樓臺初日雲中  
同安縣志 卷之二十七藝文上 五十四  
塔城郭秋風灞上亭好向高陽尋酒伴還從陸羽問  
茶經東溪碧到西溪水一燈烟光蓼滿汀

美人山

陳邁倫

靈峯秀削影離離妬殺秦娥又楚姬眉黛濃經新雨  
翠髻鬢高拂曉雲奇寒潮落月魂俱斷秋水陵波步  
不移極浦何時回船趨貞心卻笑望夫癡

仰止亭懷古

郭瑛

徽國當年過化新巍巍亭榭委灰塵連雲鴛瓦埋芳  
草繡壁苔花疊錦茵萬壑烟霞空自富滿蹊桃李不

成春千秋頻向高山仰未墜斯文起後人

普陀寺

汪士傑

鐘鼓樓高寶殿雄大江南匯小林東流飛石竄山腰  
水聲落松濤谷口風梵磬靜時僧入定海雲寒處鴈  
橫空渾疑身到潮音路不盡天花法界中

秋日遊醉仙巖

陳光章

聞道秋山境隔凡閒攜樽榼到幽巖幾椽佛屋歸雲  
擁百尺松梢夕照銜曲徑斜通仙跡路寒潮遠送鷺  
門帆憑高應識蓬萊近還閱丹經手自芟

同安縣志

卷之二十七藝文上

五

萬石巖

石頭何齒齒蹇步客來稀鞭剝秦皇力支殘織女機  
青根通海氣瘦骨覆雲衣佛寺看山好終朝不掩扉

前題

陳韜章

漫山堆怪石空洞瀉春泉磊落餘無地玲瓏小有天  
點頭誰是悟拜手不勝顛薄暮閒流覽青雲處處連

登高崎日嶼

陳思敬

拳山突兀水風灑破浪揚帆心目駭百戰曾傳抗臂  
螳雙墟祇有遺匡蟹雲雷開霽海氛清日月重光關



險解故老凋零往事湮百年刀劍向牛買

九日同蕭衡如雲奇山登高 陳薰

交拍吟肩立翠微臨風搔首對斜暉江間浪破雙螺  
出天際秋澄一鷺飛木落空山無客到苔深古洞有  
雲歸重陽幾度閒相逐何處東籬見白衣

七月七日雙溪泛舟限韻

勝日晴溪好細論輕風吹櫂過前村遙天雲湧峯無  
數極浦潮生水一痕兩岸秋容歸畫舫幾灣夕照落  
清尊滄江鷁首烟波闊渴思平將八九吞

同安縣志

卷之二十七 藝文上

十六

獅子山晚眺

四野望中盡孤帆天外賒晚山相對出秋水一痕斜  
島樹生殘靄江城隱落霞行人薄暮少村舍兩三家  
遊普陀巖過林次崖先生讀書處感咏

一崖復次崖普陀在其下當年著書人風流何儒雅  
別業構數椽於今幾片瓦滿壁墨淋漓誰歟稱作者  
重建仰止亭懷古 高有繼

輪山突屹挺精靈聖蹟賢踪到處銘人事卽今多代  
謝尙傳遺址舊山青

石上軒然仰止亭情深仰止白雲停休同畏壘庚桑  
事過化重修舊典型

亭前一望挹滄溟亭後竒峰列翠屏欲企芳徽人在  
否巖高水遠僅流形

古柏喬松昨已零攀援接踵許誰經武夷雲谷千年  
峙與此遺踪並德馨

### 遊文圃山

十八面山山景稠跳來諸景一齊收屐閒怪石黃熊  
伏眼角奔濤白馬流書圃新開蟲笈湊賢堂全草木  
同安縣志

卷之二十七藝文上

五七

碑留却憐道堠經雙隻不得携筇造次投

### 步東橋玩月

黃天榜

獨步東橋望碧波水光低照白雲過眼前景物錢難  
買最是清風明月多

### 晚秋登大輪山遇雨

高有器

登臨眺望雨霏霏羅漢峯頭掩落暉曲磴人隨殘暑  
退空林鳥帶晚涼飛從來覽勝皆忘返不爲題詩亦  
懶歸迴首那知秋色暮青山處處着雲衣

### 輪山書院遠眺

一徑螺旋屐齒縈眼中千里騁閒情村黏屋比魚鱗  
葺路瘦人如蟻隊行山勢欲憑檐星斗海門擬去閭  
蓬瀛許多佳景都收拾奇絕茲遊冠一生

鷺門紀槩

洪和長

錦繡烟花自一洲無邊風景似杭州樓臺半蘸晴江  
水簫鼓時聞畫鷁舟芳草遺釵春拾翠紅綃顧曲夜  
纏頭我來不作繁華夢爲有青山約未酬

鷺門有小  
杭州之日

觀濤浦拾海月

方策

海月披沙拾陵波錦席標練平沈素暈碧漾碎寒瑤

同安縣志

卷之二十七藝文上 五

鏡面飛風幔珠胎剖蜃珖柔銀濺浪柱脆玉成條  
簾起收圓彩攜歸趁晚潮離爲羸蚌象漁艇耀蘭橈

春日遊乍畫山

林應龍

風晴日麗上嵯峨瞥眼驚看畫意多濃淡峯嵐新水  
墨迷離石笏舊烟蘿雲中鱗甲魚龍舞樹裏笙簧鳥  
雀歌千載名山圖一幅輞川佳景待如何

冬日蘆山晚眺

劉日耀

平岡窮眺望落日滿高城煙樹千家夕霜天一鴈晴  
白拖遙浦練黃映隔溪橙暝色蒼蒼外峯頭月又生

雜漢峯

葉時茂

疑是南無降碧天一尊  
參對梵王前  
花臺香藹祥雲結  
寶殿風迴法海填  
五夜圓光流皓月  
千言貝葉誦浮蓮  
空中寂歷輪岡外  
見像何因祝

聖年

南普陀

劉必登

長風走海天鼓盪開禪定  
秋色導芒鞋一折入幽徑  
崇閣大覺場妙諦良可證  
桓桓靖海侯林谷繞鞭鐙  
寶蓮與珠旛照耀室不暝  
滄桑變須臾今昔已殊勝  
同安縣志

卷之二十七

藝文上

五

敬松礙僧眉老蘚上佛脛  
廊空鳥自行檻壞猿復凭  
祇愛洞中泉滄江破猶剩  
冰雪沁心脾泠泠發清聽

南普陀

劉必登

長風走海天鼓盪開禪定秋色  
宋鞋一折入幽徑  
崇閔大覺場妙諦良可證桓桓靖海侯林谷繞鞭鐙  
寶蓮與珠旛照耀室不暝滄桑變須臾今昔已殊勝  
欹松礙會眉老蘚上佛脛廊空鳥自行檻壞猿復凭  
祇愛洞中泉滄江破猶剩冰雪沁心脾冷冷發清聽